

Idioma malayo

O **malayo** (*Bahasa Melayu*, en malayo) ye una luenga austronesia charrada en a península de Malaca, en Filipinas, o sud de Tailandia, Singapur y una miqueta en Sumatra.

O malayo ye orichinario de zonas d'o centro y este de Sumatra, (a on que yeran as ciudatz de Malayu y de Srivichaya, habitadas por os malayos). Srivichaya estió o centro d'una veritable talasocracia, o que fizo que a luenga malaya esdevenís una *lingua franca* de relacions comercials y de relacions interetnicas en a zona entre a Peninsula de Malaca y Indonesia y s'ixemenás muito. O malayo ye oficial en Malaisia, Brunei y Singapur y en Indonesia con o nombre d'indonesio, una variedat estandarizada propia d'este estau.

Contenius

Lexicolochía d'o malayo

Lusismos en malayo

Referencias

Bibliografía

Vinclos externos

Malayo

بهاس ملايو (*Bahasa Melayu*)

Parlato en: Brunei, Indonesia, Malaisia, Singapur, sud de Tailandia, sud de Filipinas y Timor Oriental

Parladors: 20–30 millons

Filiación chenetica: Austronesia

Malayo-polinesia
Malayica
Malayo

Estatus oficial

Oficial en:  Brunei
 Indonesia
 Malaisia
 Singapur

Regulato por: Diferents organizacions

Codigos

ISO 639-1 ms

ISO 639-2 may (B) msa (T)

Lexicolochía d'o malayo

O malayo tien ampres d'atras luengas como o sanscrito, l'arabe, o portugués y l'anglés.

- Bahasa - Luenga (d'o sanscrito)
- Buku - Libro (de l'anglés, *book*)
- Duina - Mundo (de l'arabe, *Dunya*)
- Komputer - Computadora (de l'anglés, *computer*)
- Sains - Sciencia (de l'anglés, *Science*)
- Lampu - Lampa (de l'anglés, *lamp*)
- Bola - Pilota (de l'anglés, *ball*)
- Minda - Esmo (de l'anglés, *mind*)
- Cek - Cheque (de l'anglés, *cheque*)
- Bas - Autobús (de l'anglés, *bus*)
- Teksi - Taxis (de l'anglés, *taxis*)

Lusismos en malayo

Ta más detalles, veyer l'artículo [Lusismos en malayo](#).

L'antiga presencia colonial d'os portugueses en a "[Malaca portuguesa](#)" trayó lusismos:

- Gereja - Iglesia (d'o portugués, *Gereja*)
- Keju - Queso (d'o portugués, *Queijo*)
- Limau - Limón (d'o portugués, *Limão*)

Devez que muitas parolas malayas arriboron a las luengas occidentals como o francés a traviés d'o portugués:^[1] *achards, calambac, jambose, jonque, mandarin, mangoustan, prao, sagou*, ecetra.

Se suposa que a denominación d'o primate *Pongo* en anglés (*orangutan*) ha estau transmesa dende o malayo por o portugués por no haber-ie *h* y por o cambio *n* > *-ng*.

Referencias

1. (fr) Adolphe Hatzfeld et al.: *Dictionnaire général (1890-1900). Traité de la formation de la langue*. Paris, [Delagrave](#), 1890.

Bibliografía

- (fr) Adolphe Hatzfeld et al.: *Dictionnaire général (1890-1900). Traité de la formation de la langue*. Paris, [Delagrave](#), 1890.

Vinclos externos

- (es) Aquí charran d'o malayo (http://www.proel.org/index.php?pagina=mundo/austica/austrone/malayopol/malayo_pol_oc/malayo)
- (es) Información d'o Malayo (http://www.canalsocial.net/GER/ficha_GER.asp?id=9382&cat=Literatura)

Obtenito de "https://an.wikipedia.org/w/index.php?title=Idioma_malayo&oldid=1659969"

Zaguera edición d'ista pachina o 28 may 2020 a las 09:34.

O texto ye disponible baixo a [Licencia Creative Commons Atribución/Compartir-Igual](#); talment sigan d'aplicación clausulas adicionales. Mire-se [os termins d'uso](#) ta conoixer más detalles.